



Republika e Kosovës
Republika Kosova - Republic of Kosovo

ZYRA E RREGULLATORIT PËR ENERGIJË
REGULATORNI URED ZA ENERGIJU
ENERGY REGULATORY OFFICE



Prishtinë, 14 tetor 2019
Kodi i ZRRE-së: V_1182_2019

Bordi i Zyrës së Rregullatorit për Energji,

Duke marrë parasysh:

- Dispozitat e Nenit 9 paragrafi 1, nënparagrafi 1.7, Neni 15, Nenin 26, Neni 28 paragrafi 2, nënparagrafi 2.1, Nenin 30, Nenin 32 paragrafin 2 nënparagrafi 2.1, Nenin 34 dhe Nenin 38 të Ligjit për Rregullatorin e Energjisë (Ligji Nr. 05/L-084);
- Dispozitat e Nenit 6 të Ligjit për Energjinë Elektrike (Ligji Nr. 05/L-085)
- Dispozitat e Rregullës për Licencimin e Aktiviteteve të Energjisë në Kosovë (Rregulla Nr.07/2017);
- Aplikacionin për Licencim të Aktivitetit të Prodhimit të Energjisë Elektrike të dorëzuar në Rregullator me datë 21.12.2018 nga ndërmarrja "KelkosEnergy" SH.P.K., për HC Lumbardhi II, adresa: Rr. Demë Ali Pozhari, Nr. 41, 51000 Decan, Republika e Kosovës.

në seancën e mbajtur me datë 14 tetor 2019, nxori këtë:

VENDIM

- I. LËSHOHET Licencë E PËRKOHSHME** për prodhim të energjisë elektrike nga burimet e ripërtërishme të energjisë nga Hidrocentrali "Lumbardhi II" me kapacitet të instaluar 6.2 MW, ndërmarrjes "KelkosEnergy" SH.P.K, për periudhën nga 14.10.2019 deri me 13.10.2020, me numër licence ZRRE/Li_64/18.
- II. Obligohet** ndërmarrja "KelkosEnergy" SH.P.K, që brenda afatit të dhënë në pikën I të dispozitivit të këtij Vendimi, të sjellë në Rregullator Lejen Mjedisore të Integruar për gjeneratorin në fjalë, të lëshuar nga Ministria e Mjedisit dhe Planifikimit Hapësinor.
- III.** Afati i Licencës i dhënë në pikën I të dispozitivit të këtij Vendimi, do rishikohet dhe ndryshohet pas sigurimit të Lejes Mjedisore të Integruar, të lëshuar nga Ministria e Mjedisit dhe Planifikimit Hapësinor, në të kundërtën "KelkosEnergy" SH.P.K, nuk mund të operoj pa licencë.
- IV. Obligohet** ndërmarrja të sjell në Rregullator çdo dokument të lëshuar nga institucione të ndryshme për "KelkosEnergy" SH.P.K, të cilët mund të kenë ndikim në validitetin dhe periudhën e vlefshmërisë së licencës së lëshuar, si dhe çdo dokument i cili mund të ndryshoj nga ai i sjellë gjatë aplikimit për marrje të licencës, , përfshirë Marrëveshjen për Blerje të Energjisë Elektrike (MBA), të lidhur në mes ndërmarrjes "Kelkos Energy SH.P.K" dhe Operatorit të Sistemit të Transmisionit dhe Tregut (KOSTT SH.A).



Arsyetim

- Zyra e Rregullatorit për Energji (Rregullatori) me datë 21.12.2018 ka pranuar Aplikacionin me dëshmitë përkatëse për Licencim të aktivitetit të Prodhimit të energjisë elektrike në Kosovë nga Ndërmarrja "KelkosEnergy" SH.P.K, për hidrocentralin (HC) "Lumbardhi II", me kapacitet të instaluar prej 6.2 MW, me lokacion të këtij Hidrocentrali në Luginën e Lumit Deçan, Komuna e Deçanit.
- Ndërmarrja ka ndërtuar hidrocentralin Lumbardhi II përmes procedurës së autorizimit të Zyrës së Rregullatorit për Energji (shih Vendimin V_296_2010 dhe Vendimin V_568_2013).
- Me 19.01.2018 Rregullatori ka informuar aplikuesin, KOSTT, KEDS, KESCO dhe MMPH se HC Lumbardhi II nuk mund të operoj pa plotësuar të gjitha kërkesat ligjore sipas ligjeve në fuqi për licencim. Ndërmarrja ka dorëzuar të gjitha dokumentet e kërkuara, përveç Lejes Mjedisore të Integruar.
- Me 30.09.2019 Aplikuesi dorëzon në Rregullator dëshminë ("Forma e aplikimit për Leje Mjedisore") të cilën e ka dorëzuar në MMPH me datë 27.09.2019 për t'u pajisur me Leje Mjedisore të Integruar për HC Lumbardhi II.
- Rregullatori, duke u bazuar në Nenin 5 paragrafin 6 të Rregullës për Licencimin e Aktiviteteve të Energjisë në Kosovë, i lëshon licencë të përkohshme ndërmarrjes në fjalë, për periudhën e paraparë si në dispozitiv të këtij Vendimi, me kusht që ndërmarrja të sjell në Rregullator Lejen Mjedisore të Integruar, brenda dymbëdhjetë (12) muajsh nga data e lëshimit të këtij vendimi.
- Nëse i Licencuari brenda afatit të përcaktuar me pikën I të dispozitivit të këtij Vendimi e sjell në Rregullator Lejen Mjedisore të Integruar, atëherë Rregullatori do të rishqyrtoj afatin e vlefshmërisë së kësaj licence për prodhimi të energjisë elektrike dhe do të vendos në pajtim me Nenin 32 paragrafi 2.1 i Ligjit për Rregullatorin e Energjisë.
- Sipas Nenit 8.1 të Rregullës për Licencimin e Aktiviteteve të Energjisë në Kosovë, ndërmarrjet që aplikojnë për Licencim në Rregullator duhet të njoftojnë përmes gazetës palët e interesit se kanë dorëzuar një aplikacion në Rregullator për Licencë të prodhimit të energjisë elektrike dhe se ai aplikacion është në fazën finale për marrje të licencës. Palët e interesit kanë të drejt të kundërshtojnë aplikacionin, nëse dëshmojnë ndonjë parregullsi të tij.
- Ndërmarrja "KelkosEnergy" SH.P.K, me 25.09.2019 ka publikuar njoftimin në gazetë, në pajtim me paragrafin e sipërpërmendur. Palët e interesit nuk kanë kundërshtuar këtë aplikacion.
- Rregullatori ka vlerësuar se ndërmarrja në fjalë ka vepruar sipas udhëzimeve të Rregullatorit, kërkesave të parapara në Aplikacionin për Licencim të aktivitetit të prodhimit të energjisë elektrike dhe legjislacionit tjetër në fuqi, kështu që pas vlerësimit të aplikacionit dhe dëshmimeve tjera të bashkangjitura aplikacionit të ndërmarrjes "KelkosEnergy" SH.P.K, dhe duke u mbështetur në dispozitat ligjore të cekura në hyrje të këtij vendimi, ka vendosur si në dispozitiv të këtij Vendimi.

V. Vendimi nxirret në gjuhët zyrtare në Republikën e Kosovës.



VI. Vendimi hyn në fuqi në datën e miratimit nga Bordi i Rregullatorit dhe do të publikohet në faqen elektronike zyrtare të Rregullatorit.

Këshillë juridike: Pala e pakënaqur me këtë Vendim mund të inicioj konflikt administrativ në Gjykatën Kompetente, brenda tridhjetë (30) ditëve nga data e pranimit të Vendimit ose data e publikimit të tij në faqen elektronike të Rregullatorit, cilado që ndodh e fundit.

Vendimi i dërgohet:

- Ndërmarrjes "KelkosEnergy" SH.P.K, dhe
- Arkivit të Zyrës së Rregullatorit për Energji dhe

Bordi i ZRRE-së:

Arsim Janova, u.d. kryesues

Besim Sejfiqaj, anëtar

Selman Hoti, anëtar

Izet Rushiti, anëtar